

Q U Æ S T I O M E D I C A

QUOD LIBETARIIS DISPUTATIONIBUS MANE DISCUTIENDA IN SCHOLIS MEDICORUM DIE JOVIS XVIII. DECEMBRIS.

M. GUIDONE PATIN, Doctore Medico, & Professore Regio, Præfide.

An sanguis per omnes corporis venas & arterias jugiter circumfertur?

QUOD vivimus calori tribuendum, quod aliquandiu, nutritioni, quâ Natura dum perpetuò sarcit quod continenter defluit, vitam quidem efficit longulam, non tamen æternam. Ad id operis nihil habet accommodatius sanguini, cujus materia chylus est, qui in ore gulâque inchoatur, & in ventriculo perfectus, in iis per quas ad jecur contendit venis, aliqua jam sanguinis pecie ornatus, ipsius jecoris ipsi sese exhibentis propriâ innatâque vi, totam germani sanguinis formam induit. Inde tamen lapsus in Cavam aliasque insignes venas tergetur, nitetque magis. His quippe claudi omnino amat, si sibi relinquatur, nusquam egressurus. Sed mox ut suo parenti gravis, eò depulsus est, rapitur ab aliis partibus, illo suam expleturis famem. In venis itaque movetur, non admodum procurrens fluminis, sed perquam lentè, eoque dumtaxat gradu, quo is abit, cui succedit vicarius.

SANGUINEM perpetuò in orbem agi, è Cava ascendente in dextrum Cordis specum delabi, inde egressum in universam pulmonis substantiam excurrere, hinc per venosam arteriam ad levum Cordis sinum iter reflectere, unde in Aortam reliquasque arterias, ut ab his in venas trudatur, in Cor jugi circuitu recursum, suave est Harvæi somniantis, aut certe ingeniose ludentis commentum, nulla oculorum fide commendatum (quis enim operam vidit Naturam?) nullis certis experimentis, nullo rationum pondere stabilitum. Nam quòd venæ inferiores, vinculo sanguinis fundendi causâ injecto, præter morem tumeant, facit allata membro vis, dolorique comes constrictio, non qui in illis restitit interceptus sanguis. Et apertâ majori arteriâ, totus quidem etiam è venis excidit sanguis, quòd per hiantia coëuntium passim venarum & arteriarum oscula transfusus, vel suo pondere, vel subito deorsum ruat, sufflaminari prædicant.

SANGUINIS circuitio, & in orbem per vasa omnia circumductio, otiosarum mentium partus, mera nubes est, quam amplexantur Ixiones, Centauros & portenta procreaturi: Mirum quippe quantum hoc uno figmento unitis Naturæ spectator, quantum vel prudenti illorum usu mali importet. Non desunt tamen qui tam futili opinione delectati, ad eam tanquam ad saxum pertinaciter adherescant, cæcitatique antiquitatem insimulent. Qui si ad aspiciendam lucem oculis tantisper aperiant, facillimè eum errorem, quem rei novitas attulit, Naturæ ratione depellant.

SANGUINEM toto corpore circumferri, adeo Naturæ instituto adversatur, ut assiduo isto motu universæ nutritionis ratio evertatur, damnaque gravissima incurrantur. Nam si è sanguinis in venis reconditi penu semper aliquid demitur, ad id sarcendum, quod è singulis excidit partibus: cum hæc ad suum opus explendum aliquod sibi deposcant temporis spatium: sanguis vero simul accedat, & recedat, nullibi moram faciat, quo tandem pacto ad vitam hære, in illarumque substantiam abire & converti poterit? Rem propius intueri, non modo inutile esse, sed more publicanorum molestam, & semper aliquid bonæ rei auferentem deprehendes. Hæc quippe est flueni detrimento tandem aliquando casura. Finge autem non jam à qualibet parte sanguinem amore quodam, suique tutandi causâ & necessitate delectum prolici: sed à Corde pulsam vage currere, quæ pars eo inundante aut expers erit phlegmones, aut ejus quasi pabuli uberis appulsu non obruetur?

FAMOSUM fumosumque hoc dogma quanta in corporum natura, tanta in Arte Medica sequitur perturbatio, rerumque omnium confusio. Nihil enim amplius est in sanguinis missione præsidij, nihil in purgatione, quin illa corpus ipsum accendi, hæc verò inquinari penèque venenari consequens est, nempe cum à fuso sanguine, qui in venis superest, mole copiosa minor sit, & celerius moveatur, motuque ipso incandescat: & Cordis cava, sedem focumque luculentis caloribus, sapius subeundo, novum calorem induat necesse est. Qui autem prius quasi sopiti valorum tunicis adherescebant fecidi humores, ubi purgantis medicamenti operâ emoti, cursumque præterlabentis sanguinis sequuti in Cordis penetralia deducuntur, & ipsum inquinabunt, & similem reliquis subinde partibus labem importabunt: Sicque Medicis omni præstanti auxilio destitutis, morbisque ipsis, quos vel sanguinis fervor, vel humorum impuritas peperit, impune grassantibus, quam maxima mortalium strages edetur.

Non ergo sanguis per omnes corporis venas & arterias jugiter circumfertur.

DOMINI DOCTORES DISPUTATURI.

M. Franciscus Sorand.
M. Iacobus le Menestrel.
M. Carolus Briset.

M. Nicolaus Bonvarlet.
M. Nicolaus Rainfant.
M. Ioannes Grou.



M. Antonius Morand.
M. Ioannes Hamon.
M. Simon Boulor.

Proponebat Lutetiæ IOANNES CORDELLE, Hamus, A. R. S. H. 1670.